

皇清文穎續編

皇清文頴續編卷四十四

賦

聖駕巡幸天津賦

謹序

吳省欽

臣

聞古天子歲見畿內吏民又修隄防達溝瀆

與夫布德行惠諸大政具載春令厥施至隆炳  
耀無極我

皇上懃恁民旅在邊猶邇惟天津近處左輔自南

四巡川郵弗逮比歲釐舉水政迺涓丁亥二月吉展

鑾郊宮履視淀河隄牖咸有培浚旣清旣平十賚繹

如返自林苑

臣

伏誦周之頌巡狩者有時邁諸

詩體皆主賦左思謂升高能賦者頌其所見是  
賦與頌其實不異用是窮竭叢芮敷陳原委以  
紀上儀以對敷

皇帝之德於萬一其辭曰

上御寓之三十二載自圻卜征于瀛于津二旬禮成  
推惟六府惟穀爲本九疇惟水爲初坊庸順乎大蜡

銓秭賦乎密都大抵西北之利視東南上腴循郊之  
典首河嶽而道周叶於鑠

聖清表儀宅方朔易平在扶風馮翊左右割宰厥毗  
止畿厥僚服衆林林芸芸尾十斗七爲析木津究冀  
俛俛霄漢仰貫叶改社國之三衛俾列郡乎大蕃苞  
絡濱棣咽隘河間都鄙衍斥東奄滄塲轉輸之迅遠  
達

陪京偵邏之廣外列少城帶三岔之膠瀉抗四闔之

嶺嵒交墜帶鬻羅肆林遷商居賈行葩華駢田服有  
連箔之綰饌有出網之鱸金海之奇弗益弗牢習坎  
次五溟漲遞澆水親土而滲漉雪受曝而結糾叶坵  
租場租禺筴致饒漕渠旣程關梁旣扼鐵鹿礮渦膏  
豨鬪輻叶蒙士返淳古黎獻沐休息擱染化源首善  
孔炙翹斯跂斯莊誦

祖德驤作游乎堯巡徯乘載乎禹績且旋鯢之淤澱  
孰與駕鼇之高堰諸河之灌川孰與中豐之安瀾朝

發夕至孰與豪傑牟首頓宿昭遷京身畿臂孰與江  
介湫湄揚粵牽綴迺

聖人幸南土而茲未及

叶

者非懷遠而泄邇也毋亦

川陸異郵抑淀河海之已效貴脊采焉昔者文命黻

河鬲津最南徒駭最北逆上隅海夾右碣石季宣以

謂被漸王橫以爲橫溢

叶

然而渤海書乎河渠章武

志乎溝洫

叶

島倭讐其阻萊轡費其職泥濶稽天依

約點墨憺乎無際逝乎無極若迺晉望惡池出於泰

戲經行唐林泊越減口故道濫僭

叶

竊爲鱸膺醮爲

蹶淖胡下游之三舍襲灌壇而迄今有岡有臺有祠

櫛參東西之村牛鳴角犄新河舊河相背兩已羌雙

滙而中窻遽一折而仄汎迅若馬駛健若龍鬣

叶歸

漕丁沾若涂守軌淀以言淺派尾溶滴環納清河七

十有二掘鯉堙矣倭太冲之詞賦焉塘樂逖矣緬承

矩之施設

叶

焉魚鳧族滋蒲茨種穉白洋迤東名弗

殫記柴禾下委茅灣中渴旣歷苑口淝池瀶漫蒼耳

蓮華四支闌干他如牛臺白龍大蘭小蘭介長隄之

表與二淀邈其不關夫隄非一端也長隄記里七同

有餘宛虹修蛇蜿蜒衙衙

叶

首高陽入任邱

叶

逕清

苑鄣室家

叶

昔在宋遼鑿陂畫區懷敏所增治唐介

所修除闕世數壇庠或渝事在因而等剏效已捷

而不紆長隄旣窮格隄斯傍淀激河渾執迭衰旺驚

沙反而輒沈短堧闕而泰猛

叶

漂漵則相戕壅閼則

不競

叶

扞表護裏漏卮得當二寶是刷直沽是嚮溜



以逆河潮以奔淙枝流涓如斗門翕張

叶

櫛比得五

纒連疊雙以濟汲綆以衛土萌

叶

故曰功不什不變

器利不佰不易制人見爲擗焚積竹之費而弗知蠙

衣蠅竈之疾

叶

也人見爲卽橋蹈搗之悴而弗知樹

渠封溝之計也人見爲道謀築舍之議而弗知非常

之原之俟

大智也鞠人謀人

計謨載教地官任地倂工伐礮惟蠃淵蘗蘗中穆乎

其釐成殷乎其紹休

叶

爰迺震潛鼉建招搖案華覆

弭文琬波委靈動鄰鄰儻儻以承宣遊

叶時

法導未底津城也馳道弦直一塵乍清淥雨曉潤順

時就新

叶

雜英附條庶草動萌麤發穠如撥穀變聲

誼以占習祥政以洽觀畊發上蘭憩中甸

叶

盧者溝

紫者泉際趙北郎權船廳含漪淅凌堅汎夾河倬揚

芬水緯千唱海民合讚

叶

亭驛延驚臨迎莘莘就

日雲麗海光人天遵崇臺而

元覽遂升紫而

蹕旋斯時螽躍蛾伏扶仗相告入者意以

上度功澹留疊疊祇迪叶義聲被陬溘順氣浹

輦轂惟是移泰行以校壽剡勃解以應福政觀美而  
不費歲時

幸而不瀆若稽古方岳肆覲同律度量衡其他無稱

越在姬制入壇有慶叶弗逮兆姓叶我

皇上展秩嵩岱

四駕南中叶延洪汪濊雨施雲行酌醴化爲大醕佈

溫言爲四帡粦以承

安輿而推

湛恩也至如三輔之圖不間於

寢門浹辰之期不異於晨昏常常純純明明孜孜功  
已轅於距畝典匪覲於省春然而

皇澤無量先後錫嘏叶爵計級敘寮府餉計月犒埃

伍值計日顧丹旅引高年粟絲褚燕所司觴豆俎廣

下庠三四五第薄胄長流始緩權離仲冬止見糧減  
三宿逋全罷叶經塗供張加資無已民物阜叶已名  
實揆已然猶擘綱頓紀曰

睿運算鬯溢漳之末流交瀛鄭之曲岸彌格隄與長  
隄規兌缺而異斷勘故籍而弗遺惻窮櫛而詎緩叶  
賀成厦於鸞鵲茈奕代而休晏二倉所瀕通路複跨  
簇筐港以結村陡塌淀而立壩緣舊工使迤屬綢怒  
濤使平瀉所以輦始基禦漲夏或倚清龍之灣或錯

青滄之界叶雖方舟有未循而漕川舉以苴罽若

萬乘所偶臨而鳳河亦以引藉是故任靡仔其弗勝  
響靡叩其弗磨總六符敘三靈涌丹醴瀆告榮挺華  
露芝發莖

上惟是基命夙夜師儉葆真叶罷春洵之合圍禁夜  
船之簇鐙繪沙壤之吉貝整

藉田之冕絃九圻萬井汙邪三登言眷淀亦若河海  
效命叶答稠貺於肸鬯新雕橐而漆楹此

聖天子爲

天牧人光四海而通神明者也且夫效軫引紆以埏  
河泊此

聖祖所以勤方畧也結旌導旂以縈海斐此

憲皇所以紀豐碑也降原觀泉此幽都之所以徹田  
省囿發倉此春令之所以理陽河漢星雲此于邁之

所以作人震疊明昭

叶

此肆夏之所以序侯

皇上襲令軌劬

洪業六鐘左右備奏出入上課賜雨下度原隰中間

疾苦民用時協

叶

觀風展義羣遊泰和賡藻

幾暇摛文挾華釐括地之謬悠忻育物之茂嘉舉上  
揜乎初慮之奏而又何有於橫汾之歌懿夫後仁者  
天時布宜者地利先勞者君道化神者民志言就理  
焉必世三十年而較紆

清趣

叶

言課功焉甸服五百里而有藉明試由是歲



見吏民

巡覽原野自上下下春原秋補

叶

先五載而班輯首

六服而除灑肄允猶之嘉頌媿來游之羣雅款款喁喁謳者籲者

皇頷厥請徐之來茲自山川鬼神上下草木鳥獸罔

不受輦馭雲罕返霓旆

叶

道

南苑蒐及期簡軍實餽羽鉞旋京師面

紫闥端枋魁運八維於萬斯

駕幸熱河賦

謹序

孟生蕙

乾隆三十有三年秋七月

天子奉

皇太后幸避暑山莊修歲事九月旋

蹕禮也

臣

惟古帝王撫御函夏巡狩殷國類有作游

以示遠畧若妣后之饗釣臺姬宗之朝明堂遐

證載籍伊肇權輿然按其地不越五嶽邊徼以

外或羈縻弗絕珥筆之士摘揆鳧藻遑遑焜耀

冊府至罄天作主中外一家甌脫之地作室會  
同式廓休乎華裔雍熙洽於累葉三代以降未  
之聞也推惟

國家發祥震域暢沂域埏

列聖締構鴻業因天啟而人基遂符乾而珍坤古者  
句臚所不通鞮鞻所不及咸隸圖版而蒙古諸  
部落藩苾漠北者凡四十八旗向化慕德弗懈  
益恭歲時殷賴饗賚有制亦旣肌淪髓浹而鱗

集仰流之意諄迫弗能自己

仁祖憫焉爰度塞垣陰陽風雨之所和會激流植援  
築山莊於熱河之陽熱河爲古武列水環帶星  
廬潤澤鱗隰因清暑而歲

巡之取懷給欲物靡不得其所

世廟繼序休養生息十三年中未行

鑾輅

皇帝莅祚之六載繩

祖武奉

慈聖修夏清於茲土而省秋歛燕屬國勞邊士舉獮  
禮講武事法乾之健施兌之澤無歲不舉蓋星  
將三周矣以

聖人過化存神之用叶興仁必世之期塞外蒸黎庶  
富秉教侔埒郊甸爍乎皇哉非甚

盛軌孰能與於此臣山右寒儒至愚極陋仰荷

聖慈則名詞館肄習

國書竊嘗於橐筆之暇綜文諮獻考五廳之形勢  
溯三川之源流觀井邑之駢田驗品彙之蕃庶  
與夫典禮制作之精微廣大不慙不文退撰熱  
河賦一篇謹拜手以獻其辭曰

古稱設險固圉山河竟兩戒烏覩夫王者無外哉元  
黃剖判亭毒相嘔叶上圖景曜泰元罔疲於疇也下  
料土埜富媪罔囿以疇也

帝乘斗車運乎中央臨制四方極北紫塞是環邊牆

昔徼外而今都會合無疆也寄曜於箕尾之躔寓精  
於析津之紀辨方於冀幽之州作衛於遼薊之鄙玉  
壘沙場戍亭雲起徑輪廣表不可記里蓋漢唐不得  
領郡縣趙宋不能志地理遼金元崩然奄有未一再  
世而棄爲荒裔皇矣

聖清

天作長白誕降朱果筐契祿稷靈潢衍慶三江滌焉  
貞符榮鏡鴻號赫焉粵拯深熱燕都宅焉粵暨聲教

眉爽格焉樹範酌典抗稜錫福臭香吮甘震水龍陸

叶

近光者內面難起逃聽者樹領蛾伏

叶惟

祖德之茂存懽覃乎月窟日域矧茲駢坐乎

神臯宛襲積之繫領襟

聖推心而置腹故舌人體委與之咸風德也

聖博恩而廣施故敷天哀時對之思無數也繫蒙古

之處我北土也四十八部綦錯星羅諸王貝勒作藩

有儀

叶

上公台吉班崇其曹

叶

表落辨旗色移帳依



鳴沙夔夔焉慄慄焉週遭卡倫約束柳條或梯嶺而  
陳屬或踰驪而輸贖或飲酎而致賑或慶朔而飫庖  
或遣侍子於

宸闕或聯懿戚於

天朝迴復匹候雁來往喻信潮

仁皇帝度量宏於昊緯樂得其欲降

玉趾以臨之展勿邊照而幽燭迺相隰遵揆崖谷拓  
捺鉢而達留幹之嶺營爽塏而卽武列之鞠夫熱河

者固溫源也三川合派酈亭所紀蜿蜒北流字曰墨  
里西北則台河亘黃土梁而漚輪東北則湯泉逕中  
關汎而邈迤緝南折以納濡倣達驂之順軌其它鮑  
邱參柳卯金賽因大要五渡綽農宜孫鉅沐曦魄細  
滴颺輪軋盤漾滷瀝清淦貫繩牽纏乙乙絡乎塞  
垣天一資行孕物維錯鯨魴鯁鯉鱸鮪鰕鰐拓綠滑  
于潑刺淦躍灤鯽抽丁味腴羹臠箬漠鮮以重唇見  
珍柳根赤斂柳而名獲叶 蜃蠃龜鼈鼈贏孔碩黛甲

辨璘紫螯郭索靈蛤弄珠宵輝星爍胥水族以加恩

疇差定其簿籍叶若其山勢旁礪崿嶙相連駕天橋

以飛空擢五指以淩雲陟以敵樓鐵虎之磔磔絢以

大華小華之嬾嬾樞以雲光星龕之廢廢搯以丁原

墨蚪之嶺岼俄毘盧而頰頂岌兜盃以聳肩峯曰磬

鍾卓植層巒雲舉千尋技絕控弦象形糾俗錫名自

天岳岫錯繆夏雪耀英叶泄雲播而成海嵌谷闕而

生風叶歎玉瀑結霞蓋列精藍叶梵唄繇條蜚風之

族恒榛狉其萃薈蹠則穀獵蝮猯嘯其上駒駘巨虛  
遊其下甌窺颺窟其阿麤麇麇麇館其汭程鞅材  
堪達漠覘井泉特墨踐剛蟲捕驚紛綸無算羽則蒼  
鷹皂鵬火鷄鵠鶴鴻鵠燕鵬白翎之雀其它羊牛豕  
犬雉兔鵝鶩叶充常膳者殆挂一而漏百叶木則檫  
楓櫟柳構櫟櫟椶櫟檜柏檉鴉柏鵲樺松葉零秋亮  
木向夜野蠶成眠飼以桑柘卉則玉簪藍雀芍藥丁  
香戎葵赤芝山丹東牆地椒野苜覆岫被岡其它蕪

葭蔕芡蘘荷菰蔣薑蒲蒜薤蕙若蓀萋旼暖蒨蓼垂  
榮吐芳且夫其地上腴則稟梁黍稷來牟菽藟之殖  
敷焉其俗攻駒則馱騾馱龍媒羸駝之良儲焉界  
洞壑爲周陞則農隙易以占三驅擴沙幕爲爰閭則  
蕃后廩以就大酺是以

聖祖慮周乎九閭

駕勤乎六駟

叶

泉貝勿恡於太府鼙鼓勿亟於司徒

經之營之子來于于城以繚垣濠以曲池雲構入鏡

土階留茨不三年而成邑成都載德以世恢祚於家  
叶

皇龍受之蹈典詠謨以對

景命於乾圖若其經制規畫煥乎彬彬又可得畧聞  
矣象

紫禁勤垣墉俛灤流挹獅峯六門洞開麗正當中碧  
峯迭蕩於其西德滙燦聞於其東餘門連屬按隅相  
從環理二八太微之宮殿曰勤政度筵度几陰陽謹



廓穹烏企鱗覲雲波激蕩涼燠候變標景六六若賊  
聞風蓬騰而心悸神眩也若其收州爲廳也率以丞  
倅統以監司喀喇塔子八溝四旗犬牙互錯按籍是  
沿五方之毗挈帑傾來雲集而墾新菑其防禦則有  
爪牙之臣司同司險蘭鎬振振禁虺戢允溝涂樹林  
叶其稅榷則掌于司關以聯門市出內征旅驗以節  
墾其井市則列隧旗亭彌督于所闡闡殷闢行商坐  
賈愿者嚮良賤者雜枯僂僂居奇儼嘉辨估淵錯陸



珍雉皦皦舉奚夸乎象簞桃笙齊統越組夫其形勝  
之槩如彼熙阜之成如此勢阨關城之阻俗茂輦轂  
之儀叶久道化成孰區都鄙不有創之何以守之不  
有繼之何以久之是知

紹述之勤一豫一遊無非事者

聖人眷顧孔厚也歲云秋矣天地始肅曰簡曰練兵  
由以足有資有般遠由以服

天子乃以吉日告

祕殿開明堂祭表貉建太常飭輿衛奉

壽康循近圻問倉箱肅肅習習吉行五十里越七日  
而至乎山莊羣后畢朝賢王肆迄貢仙鹿於延陀輸  
迦沙於黠戛進白麋於庫莫納神馬於突厥呼韓躋  
足而走幣冒頓抗首而瞻笏當斯時也先秋月之三  
五而盈際我

聖天子萬萬年無疆之壽相與款款嘔嘔祝嘏以侑  
斟瀛渤爲醇醪措恒岱爲樽豆嘉祥告備遂以獮田

諸部祇肅選徒便便分其數千二百人屬車按節  
躬佩橐鞬神槍後扈黃纛導前以整以暇以

莅木蘭爾乃次和樹表按部飭伍圍合而馳旂動而  
鼓桷野兕格羆虎頓師豹秘麀塵擇肉命中發壹殪  
五雨血風毛舉柴成堵迺卒清候越壑陵岑猶汎乎  
餘勇其競賈旦戒大羅哨鹿鼓莽機華液於斑膺刊  
金管而伏鹽武功纘秋田成薦

原廟晉

慈寧宴賓客祝祭祈其他他藉藉者

御帳殿而頒賜於羣下閭大庖其不盈方車馬之甫  
行圍也卓索圖召馬達之盟長察成憲設武帳列駝  
馬酌金盞鞠脰希鞶稱壽而留

宸賞什榜奏相撲集驅馬馳生駒執蕃童總角撒韃  
束褶候礮聲之疾徐節控磬而蹀躞竦輕軀以援騰  
睫未轉而愔城已繞乎三匝遠情宣

皇歡洽洪德罔陽澤變乃以振振之辰

親勞而褒答之爾迺散

天厨飭外饗椎牯牛割駝峯和鸞醬斟雉羹

叶龜臺

儻盪殮饌屑琅邪之稻醕中山之醲弛傴僂之禁脔  
兜離之工一鼓牛飲有飡其醕或懷肉而歸遺感

君恩其有肅谷爰乃

命晉三錫禮樂千賚自君長逮輿隸九章之服通天  
之帶金獸之袍霞文之帔繡加千純貝連六幣探金  
穴而博施簪繪肆而振惠春雷琅琅呼聲動岱

上無逸而恤其勤

上昭儉而圖其匱紓之姁之無醉飽之心而各遣歸  
其曷地爰於展義之暇周覽高深尋求水源資見聞  
之親切究往籍之引援糾舛訂踏提要鈞元

丹毫濡染龍騰鳳騫

宣付詞館指南是尊本本源編輯志言不見夫  
皇興西域之式廓可以尋蒲海而溯崑崙

皇帝於是樹辰旒戒鳴轡誦皇夏還

京師握乾綱履德基兢兢業業以慎一日二日萬幾  
是以含生之倫莫不膺壽域熙春臺喟然並稱我  
后之德之功侯其禕而也故曰洪鈞之陶不私一類  
甘祥所浹不擇品彙襲律之廣不域險阨其所以爲  
大也且夫爲政者必先勞察邇者不忘遠宅中以圖  
大爲業垂久以由舊爲本故王會不侈菴幣煦仁以  
繩

武也伯禱不矜徒御詰戎以復古也前者

皇帝秩望高岱

四駕吳越布德行慶仁治義浹蓋不啻舉江海而衽  
席之況其爲夕戾而朝發者哉道在邇而無泄歲籲  
幸而不煩北庭之君世我藩臣歌以永言款塞而望  
玉輅之時巡曰灤之水兮流湯湯望

重華兮啟

天閭駟六螭兮驂驪黃度關山兮駐

雲莊載色笑兮澤春陽扈畢罕兮驅天狼旋



帷宮兮稱兕觥歲復歲兮天久長

避暑山莊賦

謹序

李鐸

臣聞斟元揆極出震之象符焉居所共星蓋地  
之珍應焉三才合撰慶叶咸中四海同倫局周  
無外是以大壯取義廚蕤蒸其休餼初慮賡謠  
殿薰被其解阜齋宮沕穆朱文式貢於翠媯溫  
納循游丹甲迪呈於元扈往喆之軌後事之師  
也摧維

聖清之誕受

景命也白山甄貺朱果降庥題五德之期正三靈之

統神輸鼎玉人贊衡璣上總穹維旁握河紀恢

帝錄之顯懿張

皇綱之登閔

天保溥將

聖謀貽厥滋萌元氣用上咸而下登黼藻昇平展南

諧而北燮

皇祖嗣荃宰席蘿圖外威

軒弧內儔

舜戚上理之登旣永下賦之業成焉四隩斯宅重譯  
咸賓呂千雲而貢香輪候月而走幣醴化濡乎  
千八百國封禪黜乎七十二家粵有紫塞之別  
白鬻之部老駐知風神駒放海望

闕若向歲之鵲來朝視隨陽之鴻弗陳五利于魏  
絳弗策三表于賈生而呼韓締親顏利侍子躡  
足回面以望

屬車之塵者久矣地接塞垣星次析木內外相屬  
陰陽所和作游是基肴間有繹合鈞臺之運執  
玉帛而來同開衢室之尊奠太牢而必飫下稷  
之圖肆展具茨之駕有常時邁之頌懷柔先勳  
震疊秋獮以順沆陽兼詰戎兵巡聽者鳧趨近  
光者鼉抃

世宗以勳哲繼文燭疏過于細旃之上

聖皇以兢業繩

武溥溫給於肆覲之中祇奉

大安宣徽近塞修序冲景調

清夏之節典區福地延招涼之文敞

行殿而宴昌渠洞

元宮而賚降部鈞耆鰥得大祿岑陝之君甄埴乎

誼美鄂畚槎砮蘇對洛那之臣泳翺乎

德洋若乃

紫禁封章程三日而不爽

丹臺批諾勅萬幾而匪康未央之間六時無逸之圖

四座

功莫備焉

孝莫隆焉洵可邁成周之王會轢岐陽之伯禱出地

輔而極天衢者歟斯

山莊者壯不及奢麗不改素揆景緯中和之基因

阜澤高下之性疏藻川而建亭館倚松磴而拓

櫺扉拖虹梁之四注星漢虧于上縈疊霞閣之

三休寒暑隔乎中霑履安之吉可久可大恒固  
之應攸芋攸寧

臣

惟柏如之賦上林而陳西極

平叔之賦景福妄及幽厓以今方之蓋蔑如已

臣

以捫籥之愚曾附簪毫之末不揣禱昧輒繆

摛詞章異鑿空義期翔實謹拜手稽首而獻賦

曰

於樂

仙莊舊域興桓襟帶紫塞勒接白檀跨乾度于箕尾



真坤維以繚垣維秋

巡而表貉時

游豫而停

鑿爾其地形則連岡崔嵬峻嶺巖屹廣岫四開平原  
中廓南亘留幹巨鎮欽岑巖高壑邃拓陽雪陰北揖  
臨潢綿延峭闢淵潭窈冥動植焜碧他若大柳藂桑  
廣礪冷陁蜿蜒環旋孕仙窟靈古香所宅列真所庭  
幽怪神奇不可殫形山則青雲紅石五指七金毘盧

俄弁獅子霾霏矯天橋之萬仞聳松梁之于尋獨山  
爲蜀孤石遙森是曰磬鍾之峯叶乎玉振之音其水  
泉小則盤泉賽因卯金沓渚淤爲淖泥滌爲浦漱大  
則丁原上都白狼伊松大灤經緯武列沖澍其灌溉  
所滋地防所聚則沃茂稻梁磽磈葍芋果美松榛藥  
珍葠附其鳥則鴛鴦鵝鵲鶴鴻鵠鶩鷓鴣鵲睨水而聯  
翩鵬鵠扶颺而高翔其獸則青鼠黃羊野馬駒駼麋  
鹿麇麇紫貂飛狐每應弦而輒中時儵俟而羣友旣

草淺而獸肥復風高而鷹驟其制度則規撫

紫宮周遭一十六里有竒跨川原而爲墉六門誅蕩  
麗正中穹左曰德漚右曰碧峯外則比舍連屬巷接  
陌通蘭錡炳植乎廣衢旗亭聳構乎雲中內則澹泊  
誠敬

禁樞穹窿泊乎勤政時御

六龍萬幾勅斷一德肅恭櫟櫨不琢粉櫨弗髴順天  
開之勝地昭

儉德之是崇北則有罨畫之窗切蒼翠而玲瓏南則  
有冷香之亭播晴綠而空濛驚雲峙其西萬樹羅其  
東其臨流也則却暑迎涼者水心之榭其冠山也則  
拂星躔漢者斗姥之宮金蓮映日以絢爛赤芝成徑  
而蒙籠西嶺燦其晨霞萬壑闕其松風墅號臨芳煙  
波深杳磯字知魚淪漪旋繞雲帆落影於湖心玉岑  
分光于雲表望濠濮之蕭疎隔滄浪而縹緲綿羽集  
于菰蒲嘉魚唼夫蘋藻水檻則下瞰潛蛟山樓則平

臨飛鳥其爲橋也長虹翕練夾鏡逶迤遙接乎菱渡  
之陰遠通乎芳渚之湄其爲舟也翠虬青雀望若飛  
霞開軒窗而迎柳坐琉璃而泛花疑鑑湖之鼓楫髣  
銀漢之乘槎山態水容朝霏夕斂羌掛一而漏百有  
不能以摛揆若夫白帝改候青女戒時徵搏鷺于剛  
蟲驗孳化于伊尼匪避暑之是亟實

巡秋之應期

天子乃奉

安輿侍

慈藥長庚樹旂大丙扶御容容與與千乘萬騎而砮  
乎其所以

蹕駐一月節迓

萬壽既進香酒以祝釐遂諏吉日而行狩乃

命八校之長七萃之士騁渠黃騰駮耳張越棘釋盧  
矢熒素鵬弋彩雉葭發封縱林殪巨兕覈命中之上  
下而課其能技爾乃弛旗解鞍舉燧命爵饗獠者而

割鮮勞列帳以華酌移銅山而廣賚籍錦市而沛澤  
千二百人之驍騎四十九旗之部落羣情飫而式歌  
聖容穆而自若于是小大稽首而上萬年之觴四牡  
之歌作三驅之義彰然後雝雝肅肅整八鑾而還軫  
乎

山莊且夫選徒於苗以蒐軍實而非以事遊遨也夏  
清晨省以奉

安愈而非以翫物景也羣藩就見以示綏柔而非以

誇駕馭之遠也肄勞習勤以繩

家法而非以襲歲省之文也猗與皇哉固足使梁駟  
掩其仁甫草失其武陋華林之禽魚嗤汾水之簫鼓  
彼有明之中葉限內外以一牆視聽閤乎戶闔跬步  
跼乎堂皇情農在畿甸而遑問塞版之耕桑罷旅在  
禁衛而奚有藩服之趨蹌以視我

聖朝之穹燾寓覆猶牛涔之于靈渤螢爝之於曙光  
也何萬一之可方哉謹作頌曰



熱河迢遙風盤氣交鬱神臯兮

山莊幽實雲飛波泳悅孔性兮一游一豫蕤童牧豎  
式歌舞兮如彼河水軒漿堯醴

壽斯世兮

乘六御天班嶽秩川於萬年兮

皇太后八旬萬壽賦

謹序

王際華

天佑我

國家無疆景命誕啟

聖人大熙轅極以孝理天下醴粹豐融於茲三紀諸  
福之物罔不協應

皇帝穆乎虔輦淵思維則宏推發祥流慶之源以歸  
善於

聖母是以上及太清下暨太寧蹈詠

慈仁之澤日晰而雲盛歲重光亶安恭遇

聖母皇太后八旬萬壽先一載爲我

皇上萬壽六旬臚祝洽歡

詔侯來歲旺尊親之道欽萬國之忱大哉鑠矣繇是

壽宇天覆福嘏日溶凡所爲豈非常之澤以浸

潭六幕者渾渤沕涵游遐泳深泊乎

慶節方屆進璆函之檢舒雲屏之章盛典有煒

鴻名晉崇需雲燕樂

藻袞親舞皇皇乎介

嘏之盛依古未有也

臣謹按德者福之基福者德之

致天人感應捷比符券稽古思齋基本姬籙用  
昌壽隆之視翔洽寰海而詩頌九如必推本於  
羣黎百姓之徧德以爲凝承單厚之原懿惟

聖母之德體坤媿昊

皇上寅承

慈訓汎濩懷生薄海內外日食甘露而飲榮泉遠至

竄居殊域開闢未屬之人亦率其全部聞風仰  
流憬趨恐後蓋久道化成以光咸五登三之邇  
治此真

皇上所以壽

聖母也惟

聖人能推

親心之仁慈以

錫祉於九有亦惟

聖人能合九有之福以事其

親自今以始永承

慈豫敷天率土燭玉燭風永風萬億年豈有紀極

臣

忝領春曹備員

禁近不勝鳧藻雀躍謹陳

聖母大德獲福之實與

皇上大孝尊

親之盛作賦一篇其詞曰

皇帝御宇三十有六載昌三辰汁五緯撰二儀合悠  
久叶惟泰元降烟煴逢涌泉滴暢垓汭埏莫不浸泳  
昭晰蹈德而詠仁夫天地之大德曰生

天子之孝曰就闡元故貞茂德則裕叶是以蒼靈常

尊地媪多富告鴻運之悉新符軸維于丕冒叶月陽

艘乎元明協大橫之吉繇日五五而轅留孰彰

慈福之膏茂粵自

七秩衍籌珍符有爛璘儀珎合以鸛翔景曜璫聯而

繩貫翳大園之燿朗罔璣衡以彪煥摛偉兆以肇後  
祥積章蔀紀元而無算歲攝提格秋仲觜觿旦中黃  
星見於弧南厥占壽昌萬寶屢豐中外錫羨式歌且  
頌

叶

晉釐祝於周甲

上猶謙讓而弗膺

叶

曰惟翌歲我

聖母八袞萬萬壽咨爾岳牧羣工下逮耆叟蒸蒸喁  
喁子來奔走朕庸介景福而誕受也介

福維何紫微內庭象坤正位曰惟



慈寧春曦藹朝佳氣鬱廷點銀黃而綵彤彩赫明明  
以璘斌轡飛欄以重覆夢棹戢耆而崢嶸摹大壯以  
恢舊先兩歲而豫營翳

壽康之苞茂鞏那居於紫宸頌新宮而介雅

壽安聿啟乎絳旬高闈有閑飛陞互經循環十載璫  
璨

兩銘允齊明於二曜揚

曼壽於升恒

詔靈臺以衍鳳紀普

慈慶而祝長春迺迺黃鍾肇陽帝車建子芸苗荔挺  
藎藎<sup>叶</sup>茂祥雲兆豐三寸宵絜昱乎曉霽萬象光  
煒惟升燎之祥符實

長慶之嘉祉

天子淵然璇題玉英之中將晉

徽稱而歸嫒爰練長至之翼日載鳳蓋之粦綬樹龍  
旂之旖旎晨詣

春輝怡顏以啟

聖母曰俞眸容載喜暨再浹辰日啟明奉

聖母發暢春泛鏡流御鳳輪景飈和融澄波暖沄

皇帝肅警蹕乘六龍迂中衛翼儀鎧導

安輦至

壽康肅拜頰日禺中搢

璆冊上

璿宮先是羨政府暨秩宗於廷參稽策府伊昔丹牋

範金厥典孔鉅慮弗克光

聖母之德其摹赤文於璧瑀因羨起度中契合矩  
冊則倬雲爲章晁采煊彬天五地五成數以盈

寶則蟾肪是治龍紐交縈字十有六虞廷與京寶昭  
德產文煥溫純邁前經而秩典彰散穀於

天申

慶節屆上儀飭虬鍾正鏗魚鑰乍闢

天子躬詣

太寢愉色冬溫一堂燕喜五葉麟振晉萬年之如意  
迂繁祉於嘉名遂乃盛容備儀烏烏奕奕以行禮於  
慈寧趨步雍容拜稽展虔式彰

鴻慶表文跼宣由王公至卿貳咸皆景從蹈舞介

純嘏於洪延外則修眉鶴髮之老作朋三九逮邁香  
山其最百有十三歲咸壽穀以宅禪內則玳鳥拜命  
之婦魚貫鴛偕椒風蘭茝翟茀珈笄駢闐歡呀受福  
孔皆

天子於是御正殿天扉詆蕩朝儀焜昱鴻鸞漸階羣  
效嵩祝外暨炎洲南服西徼朔庭百蠻九譯之陪臣  
亦俱列位臚人樹領扶服天瑞人和環應多福日則  
瞳矐九華中天麗燭雲則紛郁五光困於殿角旣乃  
宣

異命於紫闥沛渙揚於層闕瑞鸞銜以九采喬雲捧  
而五色自有位人以暨黔首罔不跼聆衍凱含吮

聖澤

聖母於是几七寶帳九真菌華茸杯霞文

帝親帑鞠九擗稱觥十有八章兮樂府合孝經也山

龍衣如兮象鸞停與鵠舉也翽如秩如爲律爲度

皇自舞也麟角鳳苞金章玉葉於階於庭洋洋習習

舞大合也綴章明備

慈顏豫和前後旬日式譙旨多食單敍進目羅雲仍

縣縣樂且有儀

叶

環綵祇侍姁熙委蛇惟

聖母慈燕笑樂胥

懿語溫溫母重馨叶

帝彌弗敢康儀肅穆而怡愉爾其珍應瑞圖玃來貢  
篚則有唐碧曾青琰瑤徽尾浮忻金泥開明琪藥員  
嶠冰絲大秦金綺鸞錦舒文鶴綾散彩亦有越窯秘  
色郊鼎雷紋兕婁芬郁波戈茵蓋先之以

天文作繪贊

壽無量茂柏喬松九如陳貺屑金法乘甘珠寶藏  
支真檀波斯妙相



宸題鏤玉王會續象殫奇悉異伯翳不能名右相不能狀累萬萬而罕紀積九九而遞上若夫霏

寶翰之筆精集龍賓之墨卿奏以導禮表以達誠頌以容德上宣

鴻稱蔚然而雲霞起淵然而金玉聲

文子文孫聯駢間賡總柏梁之鉅製交縟繡於疏屏  
蘭臺金馬天祿石渠之士齋心覃思吮和吐氣望洋  
者累千萬言竟莫能贊其一二我

聖母之發暢春而詣壽康也御萬壽之華輦光慶典  
而秩鴻儀攬芳華於玉鏡文窗新琢夫玻瓈法仗肅  
沛以艾神人誠大和會峙峩峩之化城似玲玲之梵  
唄岱輿闐風儵歛湧現金支秀華青房紺殿洪崖被  
羽而襪襪昌容清歌而婉孌尋橦濯盤角觚曼衍效  
犁韃之幻人擬靈山之鼇抃移邃館於泰西倣佛廬  
於月竈間奏散樂綏徠逖衆服物游食冢宰職貢徠  
賀四方尊養致用

皇帝宣殊恩錫時福漕糴繆租萬億賜復三九益餘  
素封比屋特榜兩闈人文彌郁甘雨景風岌與械櫜  
銓途滯者疏羣材廢者錄百神羣祀咸秩維肅有耄  
百齡旌閭表瑞有儒皓首章服榮被普及庶老粟帛  
下逮蠕蠢敷蔓何生不遂於是公孤卿尹藩衛牧伯  
叶外暨蠻夷君長咸拜手稽首而歌曰盛哉乎若  
德茂對懌矣禔貺答叶矣  
皇帝嘗以是春巡禮岱宗河海受職奉

安輿指大東睇石間眠神房

叶

標燎配藜乎日觀藹

肸蠁之昭融周器煥炳乎緇帷撫金絲之鏤鍾一以

介

慈釐一以崇

聖功遂弭輪於析木睨金隄之巨虹乘春洽丙馭舒  
祝融退秋屆初言指玉塞

山莊輿區松齋雲牖此焉清暑肅侍

大安襄羊容與啟閭闔以招涼兮

璇闥留憩而攸芋山河輦夫福地兮人天樂夫勝因  
敝大慈之紺宇兮闡最上之宗乘祇園開潮音朗慧  
日燠燭習爽則有鑠耳梟瞋烏澣狼隲奉琛稱藩效  
牽搏顙來享王於塞下者計十數萬而廣繫脫歡之  
末胄兮竄泰濛而作陞閔晨照於昧谷兮閱七十載  
而弗徠夫何吸噉於

聖化兮經修途之回縈蛾螭伏而厥角兮願託上幪  
而四帡

皇帝曰俞咨汝數萬戶彼羅刹弗克撫復不能被

前光以攸寧也忍聽其黹黹芒芒而莫之定

叶乎

申命都護田田宅宅肉骨噓枯縻帑千萬有弗惜翎  
侯貴霜掄其魁桀伴使入覲錫燕詔爵珠林絢兮萬  
樹芳華鍾噲鞞兮唼囉成章商慈雲之妙鬘兮蔭震  
旦以煥煌頌磴卽之

仁壽兮依佛日而睇光臚祝啟而負責來兮洵  
泰鴻所以介吉康是故福以德基慈以衆使今

天子合萬國以尊

親綜三五而考禮

天庥之景鑠如彼人瑞之協應如此祺覃無外澤懋  
太始罄副墨而殫赫蹠莫可備陳夫福紀五三六經  
載籍之傳孰有茂稱遑躒與今齊軌者乎爰作頌曰  
皇矣

昊緯惟德是右

叶我

皇膺圖大哉

孝治德音孔昭淵旋雲被晷緯效靈山瀆告瑞上承  
慈福泰和嘉會歡合八圻

尊養大備巍奕炳麟芬澤四暨

坤厚育物上壽壽世

宅衷立極演疇援契

峻德

鴻禔參合天地貞元迭嬗歲萬億計



平定兩金川賦

謹序

余集

乾隆四十有一年春二月定西將軍

臣

阿桂等

既克金川俘逆酋索諾木及其屬二千餘人露

布馳告

闕下越二月凱旋

皇帝郊勞如禮翼日

受俘於午門慶賜遂行

聖武昭布

告功

廟

社神靈悅懌雅頌之作允當今日

臣

以進士被蒙

恩渥拔置史館親望穆穆之光詠歌忭舞尤不敢後

臣

聞詩有六義賦爲稱首雍容揄揚著於後嗣

雅頌之亞莫先於賦謹撰賦一篇敷陳

天子文武神聖以示萬世其辭曰

皇帝御極德溥仁涵玉燭調金鏡揭六合醇百僚秩

乾坤一揆三五合節闔和翔中夏威稜懍四裔殊鄰  
絕黨別區遐夷莫不奔奏嚮風陸讐而川慄藐巴蜀  
之西陲維冉驪之牙孽族連比乎笮都種肇詳乎漢  
帙隸厥屬之有九合分符而受冊安畝籍於藩陬實  
羈縻於遼絕旣延祚以長世廓

皇圖之戎索有促浸之一隅曰郎卡其酋率稟貪蠶  
以含螫若蠕蠕之在蟄漸磨牙於其曹恣夔臚與狂  
猶羣惕息以不康兮羌人焮迅以糜沸歎

天閭而園籟兮

九重誅蕩而遐不遺

簡一旅以爾寧兮騷瞿獸駭懼不敢楮惟

皇仁之汪濊兮曰爾順斯撫之迴霆車而靈雨兮稔

前惡其可追胡勿改襟而革音兮龜有子而仍羆彼

趙拉乃匪寇而婚媾兮僧格桑更磐互而交持肆睢

肝以蠶食兮橫齧噬以猖披初屯蜂以聚螳兮旋闕

鼠而戰蝸齊僦僦以伾伾其相繹騷兮朝驚風鶴而

夕走蟲沙雖旄牛板楯之遼廓兮忍蠱蠹之戕枝矧  
接畛于霍爾兮達西藏之通達經屢飭以罔悛兮審  
聲討其不可遲憑巖窵之杳邃兮據嵐箐之峩崔敢  
橫距而肆爪謂負固其可依初螳怒以思奮繼獸困  
而猶支或犇若挺鹿兮或屹若蹲鴟或擊虵而應首  
兮或履虎以躡尾逞兇鋒以撐柱致枚功而稍稽  
天子於是赫然震怒乃

簡勁旅

飭虎臣撰吉日協靈辰詔招搖伏鉤陳左櫓槍右元  
冥煌煌扈扈沸渭汾沄焱騰波流電激雷震射聲休  
飛之士健銳火器之營昔訓練於西山之麓兮今踊  
躍乎律次之軍帶干將而秉玉戚兮歷燕晉而趨三  
秦越亭砮兮劍閣登鏑列兮葭萌凌桃關兮岌業超  
天險兮嶙峋嶄然風迅而雨沛兮大師乃齊蹤乎金  
川金川陰潛以慘凜兮颯然四時之皆冬山險惡以  
陡峭兮澗潺湲而奔淥緣飛崖以結砮兮矗百丈之

叩龍密箐深谷猝不可僂指兮危梯石棧狀不可詰  
窮分勁旅以雙麾令異道而同薄鼓銳氣以進掃紛  
攀援而騰躍效猱升而蛇行儼習險之素學未攻馬  
奈先收美諾趨拉塵清促浸錯愕喇穆之西兮崖危  
以重猿隼下而猶慢忽草山以飛越驚將軍之天降  
宜喜之岳兮裹足以縮荷戈殺以前逐霈破塊之淫  
霖靖蠻氛而湔濯截蠻寺之繚垣兮風擺磨以周燔  
祝紅帷而赤幙兮赫燄上燭乎穹垠盤長谿之毒淫

兮谷狂很以吞吐爭攀船而操指兮獐濤儵失乎天  
阻轟巨礮兮喧飀發利鏃兮樹鏃大牙突兀兮或蹇  
而麾克章噶兮拔勒圍六十處所兮一以摧問茲夕  
其何夕兮敞完月之清輝一窟埽兮饒吹喧厲我鉦  
兮鼓我輦歷凜秋而窮冬兮早進次乎噶喇依搥水  
陸以俱斷兮匝四面以如排朝馳馬兮撒谷夕濟師  
乎河西若虞人之從禽殲詎聞乎熊麋若野火之燎  
原彌高下而燂煨紛揮刀以爭刈曳囚係之纍纍旣



傾巢以窰穴闢險阻而莊馘昔車騎之出鹿塞定遠  
之入焉者諸葛之渡瀘水廣利之破貳師亦宣威而  
柔遠服兮蓋振古其如茲我桓桓之將軍兮績無前  
而孰齊將軍曰爾衆士之戮力兮秉

天子之神謀

帝讓善而不居兮惟

天惟

祖之子毗露布急疾以四達兮羽檄旁午而交飛是

時

天子蓋有事於

東陵也乃望

行幄而爭馳颺紅旗之璀璨兮映

翠華之葳蕤千官環

蹕而歡呀兮瞻

天顏之怡怡羣鼓舞以頌

偉績兮誠未有如今之時也於是諏吉銘功

龍駕發春

陟喬岳

謁

孔林欽柴熏燎懿懿芬芬絲竹繁會楷檜蕭慘

德溢泗水兮燦訛天門紫燄鬱兮墮高靈開廣庭兮  
延羣神

勞還率兮

昇穹壇軍殷麟兮士卒完脫犀兕兮委如山於是禮

藏

功昭日午

車迴

丹鳳闕兮

紫宸開千羽舞兮俘醜徠碑鼎立兮敷

皇謨上

顯號兮

慈寧諧

孝治昭兮施滂溥班五等兮列珪組臣百人兮  
紫光寫百度貞兮庶事舉于胥

德兮麗萬古頌曰

醴醴

醴化蘇凋瘵兮赫赫

天聲振聾瞶兮業業

皇心凜盈泰兮金川底平九夷兌兮不宥不疑

神策遂兮亦惕亦忸暨良弼兮

上天之綽杳旭卉兮穆穆我

皇詢厥對兮小大稽首賡

嘏懿兮壽我太平億萬載兮